

# ԴԷՊԻ ԱՐՑԱԽ, ԴԷՊԻ ԻՐԱԿԱՆ ԱՆԿԱԽՈՒԹԵԱՆ ՍՏԵՂԾՈՒՄԸ

## ՎԱՀԱԳՆ ՏԷՐ ՄԻՔԱՅԷԼԵԱՆ

*Ներկայացուած յօդուածում ընթերցողներին ուշադրութիւնը հրաւիրում է այն էական հանգամանքի գիտակցմանը, որ ներքին տրամաբանութիւնից կտրուած քաղաքական որոշումներով, յայտարարութիւններով երբեք էլ հնարաւոր չէ անկախութեան հասնել:*

1988ին «Միացում-ով սկսուած եւ 1990ին «գնացքից թաշել-ուն յանգած Ղարաբաղեան շարժման մասին այսօրուայ իշխանութիւնների պաշտօնական կարծիքն այն է, որ Շարժումը ի սկզբանէ սխալ էինք սկսել, բայց այժմ, փառք Աստուծոյ, հասկացել ենք, որ պիտի անկախանանք կայսրութիւնից: «Կը ստրկանանք» - չանկախանանք»: Զարմանալիօրէն, չեն փորձում վերլուծել, թէ միութեան կան նոր դաշնագիրը ընդունա՞լ է արդեօք ծնելու մի նոր կայսրութիւն, եւ թէ մեր դեկավարութեան քաղաքականութիւնը տանո՞ւմ է արդեօք մեզ դէպի իրական անկախութիւն:

Եթէ նոյնիսկ բացառուեն ԽՍՀՄ քայքայմանը նպաստող բազմաթիւ մասնաւոր գործօններ, ապա միեւնոյնն է, շուկայական տնտեսութեան անցման, մահմեդական ժողովրդագրական պայթիւնի, Արեւմուտքից տնտեսական կախման, բանակի տրոհման, եւ ժողովուրդների իրարից օտարացման ճանապարհով կայսրութիւնը արագօրէն կը վերածուի շափից դուրս «ինքնիշխան» հանրապետութիւնների մի միութեան, որի ցրուել-չցրուելը շատ էական չի լինի: Սա լաւ է հասկանում Արեւմուտքը եւ դրանով է պայմանաւորուած նրա վերաբերմունքը հանդէպ Մոսկուայի:

Կայսրութեան փլուզման անխուսափելիութիւնը պարզորոշ հասկանում է եւ Մոսկուան: Նոր դաշնագրի մասին այս ողջ քաղաքակրթական ունի ապագայում որքան կարելի է ատելի լաւ մեկնարկային պայմանների մէջ դնել Ռուսաստանը, շրջապատել այն իրենից որքան կարելի է շատ կախած՝ «ձեռնտու» հարեւաններով: Ռուսները պիտի ջանան չկորցնել Հիւսիսային Ղազախստանը եւ պահպանել սլաւոնական մեծ ետեակը (որոշ վերապահութիւններով դա ձեռնտու է նաեւ Ուկրաինային ու Բելոռուսիային):

Իսկ ի՞նչ խնդիրներ ունեն միւս ազգերը, որոնք իրենք չեն ձեւաւորում մեծ քաղաքականութիւնը, սակայն շահագրգռուած են դրանում:

Մերձբալթիկան չի կարող հանգիստ սպասել կայսրութեան փլուզմանը: Եթէ նա չսկսէր ակտիւօրէն պայքարել 88ից ի վեր, ապա արդէն իսկ Լատուիայում ու

Էստոնիայում ռուսալեզուները դարձած կը լինէին բնակչութեան մեծամասնութիւնը, պրոցեսը շեշտակի կը զարգանար առաջիկայ տարիներին ու այդ հանրապետութիւնները ի վերջոյ երոպական տուն կը մտնէին՝ ունենալով 65-75 տոկոս ոչ արմատական բնակչութիւն, որը նրանց միանգամայն «դեմոկրատական» միջոցներով կախման մէջ կը դնէր Ռուսաստանից: Վրաստանը եւս չի կարող սպասել առանց Մոսկուայի դէմ ակտիւ պայքար մղելու: Ռուսաստանը, իրեն անհրաժեշտ հարեւաններ պատրաստելու ճանապարհին, կարող է «օգնել», որ ըստեղծուեն անկախ Աբխազիա եւ Օսեթիա: Մինչդեռ մուսուլմանական հանրապետութիւնները չունեն Մոսկուային նուիրուած ազգային փոքրամասնութիւններ (չիաշուած Հիւսիսային Ղազախստանի իւրայատուկ խնդիրը): Կենտրոնը նրանց վրայ ազդում է տնտեսական թերզարգացածութեան տրա-

մադրած լծակներով: Դրա համար էլ այդ հանրապետութիւնները ակտիւօրէն աշխատում են վերացնել իրենց տնտեսական բացերը: Եւ դա կարելի է ընդհատել իրենց անկախութիւնը, ատելի կարելու, քան աշխարհով մէկ անկախական յայտարարութիւններ անելը: Ադրբեջանի դէպքում ատելանում է Արցախի «կնճիռ»-ը: Ղարաբաղի հնարաւոր հայաթափութիւնը կ'առաջացնի Ադրբեջանի դէպի անկախութեան շարժման ընթացքը:

Դառնալուք Հայաստանին: Սըխալ է այն միտքը, թէ մեր անկախութիւնը կախուած է միայն Մոսկուայից: Մեր անկախութիւնը քայլ առ քայլ, մաս առ մաս պիտի նըւազանի զանազան «երկրորդ» ու «երրորդ» ուժերից: Կայսրութիւնը կը փլուի անկախ մեր ջանքերից ու մեր անկախութեան «մոսկովեան» բաժինը կը ստանանք վաղ թէ ուշ, իսկ միւս ուժերից ինքներս պիտի զլուխ հանենք:

# ԴԷՊԻ ԱՐՑԱԽ, ԴԷՊԻ ԻՐԱԿԱՆ ԱՆԿԱԽՈՒԹԵԱՆ ՍՏԵՂԾՈՒՄԸ

← Սկիզբը՝ էջ 3

Մերձբալթիկայի կամ Վրաստանի հակամոսկովեան կեցուածքը թելադրում է այդ հանրապետութիւնների լուծուելիք խնդիրներով: Անկախական որոշումներով ու յայտարարութիւններով երբեք չենք կարող փոխարինել անկախ լինելու կարգավիճակը: Մեր ղեկավարութեան այսօրուայ դիրքը արդիւնք է անելի շատ միա «ըմբոստ» հանրապետութիւններին նմանուելու ճըգտման, քան անկախութեան Հայաստանի ճանապարհի իւրայատկութիւններին:

Հայաստանը միակ հանրապետութիւնն է, որ «Արցախ» ունի: Միութեան կազմում մնալու վերջին տարիները պիտի օգտագործուեն Արցախը որքան հնարաւոր է ամրացնելու համար: Սակայն «ի փառս դեմոկրատիա»-յի՝ Մոսկուային մինչեւ վերջերս հակադրուող մեր ղեկավարները բարձիթողի վիճակում էին թողել Արցախը: Յանուն «անկախութեան» Արցախից հրաժարուելով, միեւնոյն է, չենք դադարի մեր ծոծրակին զգալ Մոսկուայի ծանր շունչը...

Հայաստանը միակ հանրապետութիւնն է, որի անկախութիւնը եւ պէս կապուած է այն պաշտպանելու ընդունակութեան հետ: Արդէն իսկ չկան մի տարի առաջուայ աշխարհագորային խմբերը:

Հայաստանը միակ հանրապետութիւնն է, որին կարող է սպառ-

նալ լրիւ շրջափակումը հաղորդակցութեան ոչ միայն արտաքին, այլեւ որոշ ներքին ուղիներում (Մեղրի, Կապան): Նոր ցամաքային եւ օդային գծերի զարգացումը պիտի համարել դէպի անկախութիւն տանող քայլ, սակայն դարձեալ ոչինչ չի արտա, չհաշուած «դեմոկրատ» թուրքիայի ուղղութեամբ արուող բոլորովին այլ տիպի «քայլեր»:

Հայաստանը միակն է, որ ունի իր դէմ ցեղասպանութիւն իրագործած մի հարեալ: Առաջիկայ տարիները պիտի օգտագործել Հայ Դատը միութենական խողովակով առաջ տանելու համար: Այս դէպքում արտում է ասուածի ճիշտ հակառակը: Փորձում են թուրքիայի բարեկամութիւնը շահել, ելնելով միայն որոշ «նոր մտածողութիւն ունեցող» թուրքերի մեղրածոր ներողամտութիւնից: Բաղաքականութիւնը բխում է շահերից, իսկ թուրքերի շահերը մենք չենք որոշում:

Այս խնդիրներն են, որ աղետի գօտու, տնտեսական զարգացման եւ այլ հարցերի հետ միասին պիտի անպայման լուծուեն մեր անկախութեան ճանապարհին: Սակայն չեն լուծում, ընդ որում՝ նոյնիսկ այն հարցերը, որոնք կապուած են ոչ թէ Արցախի կամ Հայ Դատի, այլ «զուտ անկախութեան» հետ: Մերձբալթեան ժողովրդական ճակատների ձեւը եւ համամիութենական «դեմոկրատական» բովանդակութիւնը ունեցող ՀՀԵՆ «անկախութեան ու դեմոկրատիա»-յի համամիութենական պայ-

քարում միւսներից յետ շմալու համար «Ղարաբաղ, թէ» անկախութիւն» մտացածին երկընտրանքից «ընտրեց անկախութիւն»-ը: Սակայն բանն այն է, որ ՀՀԵՆ չջանաց ըմբռնել, թէ որն է անկախութեան մեր ճանապարհը, այլ պարզապէս փոխ առաւ մերձբալթեան տարբերակը: Այդ «սառը» ու «իրատեսական» քաղաքականութեան հետեւանքով է, որ անտեսուեցին ոչ միայն Արցախը, այլեւ «զուտ անկախական» շատ կարեւոր հարցեր (չէ՞ որ Լառուփան իր անկախութեան ճանապարհին կարիք չուի ո՛չ նշանակալի բանակ ստեղծելու, ո՛չ էլ նոր ճանապարհներ կառուցելու): Այսօր հայ ազգի դէմ ցեղասպանութիւն է իրականացում, ամբողջ գիւղեր են հայաթափում, իսկ մեր ղեկավարութիւնը չի ուզում բաց թողնել «անկախութեան» իր օտարամուտ մողելը: Միութենական դաշնագիրը բոլորովին էլ վախճանի մի սահմանագիծ չէ Հայաստանի համար: Սակայն այսօր իրավիճակը ներկայացում է հենց այդ լոյսով («ստրկանա՛նք, թէ՛ չստրկանանք» բովանդակութեամբ): Հայրենի ղեկավարութեան անհանգստութիւնը հասկանալի է, քանի որ նոր դաշնագիրը վերջնագիծ չի նկատուել հայութեան համար, միաժամանակ, վերջնագիծ է ՀՀԵՆ իշխանութեան համար, որը, հրաժարուելով Արցախից, չկատարելով տնտեսական խոստումները, մոռանալով թմբկահարուած բնապահականական ծրագրերը, այդ ամենը

բացատրում էր «անկախութեան» պայքարով ու Մոսկուայի դաւերով: Հայ ազգը պիտի թողնի ամեն զընով «ըմբոստ հանրապետութիւններ»-ի խմբակին անդամակցելը եւ պիտի վերադառնայ իր ղարաբաղեան պայքարին, իր անկախութեան կառուցմանը: Իսկ կարո՞ղ է նոյն բանը անել ՀՀԵՆ: Ոչ, ընդ որում գաղափարների նկատմամբ հաւատարմութիւնը չէ, որ նրան յետ է պահում նման քայլից: Պարզապէս, եթէ նոյնիսկ հայրենի ղեկավարութիւնը անի անսպասելին՝ դառնայ դէպի Արցախը, ապա միեւնոյնն է, դա ՀՀԵՆ չի վերադարձնի քաղաքականութեան էպիկենտրոնը: Այսինքն՝ իշխանութեան պահպանման հարց կայ ասպարէզի վրայ: Դրա համար էլ ՀՀԵՆ գրաւել է անկախութիւնը պաշտպանողի դիրք, իսկ «տատանուողներ»-ին անընդհատ պախարակում է «ստրկութեան» ձգտելու մեղադրանքով: Հայաստանը հիմա չափազանց վտանգաւոր մի կացութեան մէջ է, եւ բանը միայն Շահումեանի ու Հաղորդի դրութիւնը չէ: Վերջին տարիուկէսը մենք միայն խօսում էինք անկախութեան մասին եւ համարեա ոչինչ չէինք անում անկախութեան ուղղութեամբ: Այժմ Ադրբեջանը կարող է առանց մեր անատամ «անկախութիւն»-ից մազաչափ իսկ զգուշանալու ճնշել Ղարաբաղը: Ջօրեղ մի բանակ եւ անշրջափակելի տնտեսութիւն ունենալու նախաշեմին գտնուող մեր հարեանը, վտահաբար, անելի

մօտ է իրական անկախութեանը, քան մենք: Այսօր դժուար է անգամ պատկերացնել, թէ Հայաստանը ի՞նչ ուժերով պիտի դիմագրաւի 4րդ բանակին ու ազերի ՕՍՕՆին հնարաւոր խոշորամասշտաբ բախման դէպքում: Միաժամանակ օր-օրի հալում է 7րդ «գաղութարար» բանակը. կանոնաւոր զօրակոչ չկայ, դուրս է տարում եղած տեխնիկան:

«Այս 30 հզ. քառ կմ-ը պահելու»-հողակտորի քաղաքականութիւն»-ը այսօր զուգակցում է միմիայն «հայաստանցու» մասնատր շահերը հետապնդող եւ մնացած հայութիւնը «արտասահմանցի» որակող քաղաքականութեամբ: Սակայն մենք տաս միլիոն ենք. թուրքիայի ու Ադրբեջանի միջեւ խցկուած մի «ազգաբնակութիւն» չենք, ինչպէս կարծում են չափից դուրս «պետական» մտածողութիւն ունեցողներից ոմանք: Ազգը պիտի տեր կանգնի իր Արցախին: Ազգը յոգնած չէ: Մեզ յոգնած են համարում նրանք, ում ձեռնտու է դա: Սակայն հիասթափութիւնը ոմանց նկատմամբ, դեռ չի նշանակում յոգնածութիւն ամեն ինչում: Հայ ազգը միասնական քանքերով պիտի վերջ տայ մեզ «անկախութեան» անունով դէպի նոր ցեղասպանութիւն ու տարածքային կորուստներ տանող անխոհեմ քաղաքականութեանը: Պիտի անյապաղ դառնալ դէպի Արցախը, դէպի իրական անկախութեան կառուցումը եւ յետ շահել անհոգութեամբ կորսուած թանկարժէք ժամանակը: